

A logra financiamento via De Nationale Investeringsbank

META CORPORATION A HACI OFERTA PA CUMpra HARBOURTOWN

ORANJESTAD(AAN) -- Meta Corporation a duna di conoce na DIARIO cu relaciona cu varios articulo na cu a worde publica encunto e problemanan financiero di Harbour Town, Meta Corporation a haci un oferta pa compra e complejo turistico conoci como Harbour Town.

A worde muestra na DIARIO cu Meta Corporation no ta dispuesto pa tuma over e companianan existente di

Harbour Town pa motibo cu ta dificil pa determina tur e compromisonan y debenan cu e empresanan di Harbour Town realmente tin.

E oferta di Meta Corporation ta inclui tres elemento masha importante pa estabilidad economico di Aruba y pa e industria turistico. Esakinan ta:

1. Reconocimento di e derechonan di timeshare owners;

2. Empleo di gran mayoria di empleadonan cu lo adquirir e plaquete di beneficio di Meta Corporation;

3. Pago di e debenan na suppliers local.

Segun Meta Corporation, nan plan ta pa haci henter e proyecto mas atractivo y tropical, particularmente pa medio di landscaping. Reconocimento di e derechonan di e timeshare owners lo tuma lugar di acuerdo cu condicionnan generalmente acepta na Aruba cu ta inclui un "maintenance fee". Meta Corporation ta kere cu ta importante pa estabilidad di e industria turistico y pa empleadonan di Harbour Town pa e transaccion tuma lugar di un manera ordena y rapido.

Meta Corporation su oferta ta inclui cierto condicionnan pa logra un integracion y consolidacion entre Seaport Vil-

lage y Harbour Town.

Despues di completa cierto mejoranza, ambos hotel lo funciona como un solo centro turistico bao di e nombre Seaport Village.

Ta asina cu Meta Corporation a establece empresanan subsidiario nobo pa opera e diferente entidadnan di Harbour Town y a logra e financiamento necesario atravez di De Nationale Investeringsbank.

Pa realisa e transaccion aki tin mester di aprobacion di diferente instancianan y aprobacion di Corte di Justicia. Espectativa ta cu dentro di algun dia lo tin claridad ariba tur e aspectonan aki.

Meta Corporation a indica cu normalmente den mayoria di caso di bancarota, personal ta perde casi tur su beneficcionan adqueri. Pa suavisa efectonan di e transicion pa e personal cu lo bay drenta den

servicio di Meta, a dicidi pa reconoce e añanan di servicio pa cu e obligacion di cesantia.

Ademas Meta Corporation lo reconoce dianan di vacaciones acumula te un maximo di 10 dia. Fuera di e dos aspectonan aki ta importante pa señala cu tur empleado cu drenta den servicio di e subsidiarionan aki di Meta lo participa for di principio den e paquete di beneficcionan existente di Meta cu ta inclui entre otro un plan di pensioen.

Meta Corporation ta un empresa estableci na Aruba pa mas di 75 aña cu ta demonstra su confianza den e economia di Aruba atrobe door di asumi e compromisonan substancial aki.

Meta Corporation ta un compania moderno cu ta considera su personal como su recurso mas importante e base pa su desaroyo.